



AS Haugland VVS
Lyngveien 2
5914 ISDALSTØ

Referanser:
Dykkar:
Vår: 14/2718 - 14/11885

Saksbehandlar:
Hogne Askeland
hogne.askeland@radoy.kommune.no

Dato:
31.10.2014

Byggesak Gbnr 21/37 Sylta Indre - Reinseanlegg - ansvarsrettar - godkjenning

Delegasjonssak nr.: 248/2014

Delegert vedtak etter plan- og bygningslova § 20-1

Adresse : **Rossnesvegen 136**
Tiltakshavar : Kjell Aase
Ansvarleg søker : AS Haugland VVS
Søknadstype : Søknad om løyve til tiltak med ansvarsrett

Saksutgreiing:

Tiltak

Saka gjeld søknad om etablering av avløpsanlegg på eigedom gnr. 21 bnr. 37, Sylta Indre. Søknaden omfattar ansvarsrettar for søker-, prosjekterande- og utførandefunksjonen i tiltaket. Søknaden gjeld ansvarsrettar for etablering av minireinseanlegg.

Det er i sak 238/2014 datert 05.06.14 gjeve utsleppsløyve etter forureiningslova for etablering av minireinseanlegg.

Det vert elles vist til søknad mottatt 25.09.2014.

Planstatus

Tiltaket ligg innafør området som i kommuneplan for Radøy kommune er definert som område for bustadbygging.

Uttalekrav frå annan styresmakt

Det er ikkje henta inn uttale frå annan styresmakt.

Dispensasjon

Byggjesaksmynde i Radøy kommune har vurdert at tiltaket ikkje krev dispensasjon frå arealformålet i kommuneplanen. Arealformål i kommuneplanen er bustadformål, og dette utsleppet gjeld ein fritidsbustad. Minireinseanlegget vert plassert og utført utan synlege terrenginngrep.

Nabovarsel

Tiltaket er nabovarsla i samsvar med pbl § 21-3. Det ligg ikkje føre merknader til nabovarslet.

Plassering

Plassering er vist i situasjonsplan datert 11.07.2014.

Privatrettslege rettar

Sjølve minireinseanlegget skal plasserast på tiltakshavars eigedom og er ikkje avhengig av privatrettslege løyver. Leidningsnett for restutslepp vert plassert over eigedom gnr. 21 bnr. 11 og eigedom gnr. 21 bnr. 55. Det ligg føre heimelshavarfråsegn frå eigarar av nemnde eigedomar for framføring av leidningsnett for restutslepp.

Terrenghandsaming

Det er ikkje søkt om terrengendringar. Byggjesaksmynde i Radøy kommune legg til grunn at tiltaket vert utført utan vesentlege terrengendringar.

Visuelle kvalitetar

Tiltaket skal prosjekterast og utførast slik at det etter kommunen sitt skjønn innehar gode visuelle kvalitetar både i seg sjølv og i forhold til tiltaket sin funksjon, bygde og naturlege omgjevnader og plassering.

VURDERING/GRUNNGJEVING FOR VEDTAKET:

Naturmangfaldslova

Kommunen har vurdert omsøkt tiltak og prinsippa i §§ 8 – 12 i naturmangfaldslova er lagt til grunn ved vurderinga. Det er særleg vektlegg berekraftig bruk og vern av naturmangfaldet der den samla belastninga for økosystemet vert vurdert både lokalt på staden og sett i ein større samanheng. Ein har mellom anna sjekka det aktuelle arealet i www.naturbase.no og www.artsdatabanken.no.

Ein finn ikkje at omsøkt tiltak vil komme i konflikt med naturmangfaldslova. I vurderinga har ein mellom anna nytta rettleiing frå Fylkesmannen i Hordaland.

Ansvarsrettar og tiltaksklasse

Tiltaket er godkjent i tiltaksklasse 1.

Føretaket **AS Haugland VVS**, org.nr. 931 442 295, har søkt ansvarsrett som ansvarlig søker (SØK). Føretaket har sentralgodkjenning som dekker ansvarsområdet.

Føretaket **AS Haugland VVS**, org.nr. 931 442 295, har søkt ansvarsrett for ansvarsområde PRO, prosjektering minireinseanlegg.

Føretaket har sentralgodkjenning som dekker ansvarsområdet.

Føretaket **AS Haugland VVS**, org.nr. 931 442 295, har søkt ansvarsrett for ansvarsområde UTF, utføring rørleggjararbeid.

Føretaket har sentralgodkjenning som dekker ansvarsområdet.

Føretaket **Haugland Entreprenør as**, org.nr. 892 796 702, har søkt ansvarsrett for ansvarsområde UTF, utføring gravearbeid for etablering av minireinseanlegg med tilhørende grøfter.

Føretaket har ikke sentralgodkjenning som dekker ansvarsområde. Føretaket har lagt frem organisasjonsplan og dokumentasjon av kompetanse som etter kommunen sin vurdering synliggjør naudsynt kompetanse i høve tiltaket, og gjev grunnlag for lokalgodkjenning for UTF.

Manglar ved søknaden og sakshandsamingsfrist

Søknaden var komplett og klar for handsaming den 10.10.14 og frist for sakshandsaming etter plan- og bygningslova § 21-7 jf. SAK 10 § 7-2 er 3 veker frå denne dato.

Vedtak:

Med heimel i plan- og bygningslova §§ 20-1 a vert det GODKJENT søknad om løyve til tiltak i eitt-trinn som omsøkt for etablering av minireinseanlegg på følgjande vilkår:

1. Tiltaket kan plasserast i som vist i søknaden med heimel i plan- og bygningslova § 29-4.
2. Det vert føresett at tiltaket vert utført i tråd føresegne gjeve i eller i medhald av med plan- og bygningsloven, herunder kommuneplanen og reguleringsplanen sine føresegner. Dersom søknaden er i strid med offentlege føresegner, gjeld føresegnene føre løyvet.
3. Heile tiltaket vert godkjent i tiltaksklasse 1.
4. Før det vert gjeve ferdigattest/mellombels bruksløyve for tiltaket må følgjande liggje føre:
 - Faktisk plassering av tiltaket må vere innmålt, og koordinatar sendt kommunen.

Med heimel i plan- og bygningslova § 23-3 jf. § 23-4 (SØK) / 23-5 (PRO) / 23-6 (UTF) vert det GODKJENT ANSVARSRETTAR for:

FØRETAK L/S * FUNKSJON TILT.KL. ANSVARSOMRÅDE

FØRETAK	L/S*	FUNKSJON	TILT.KL	ANSVAROMRÅDE
AS Haugland VVS , org.nr. 931 442 295	S	SØK	1	Ansvarleg søkjar
AS Haugland VVS , org.nr. 931 442 295	S	PRO	1	Prosjektering minireinseanlegg.
AS Haugland VVS , org.nr. 931 442 295	S	UTF	1	Utføring rørleggjararbeid.
Haugland Entreprenør as , org.nr. 892 796 702	L	UTF	1	Utføring gravearbeid for etablering av minireinseanlegg med tilhørende grøfter.

*S = Sentral godkjenning, L = Lokal godkjenning

Det er en føresetnad for vedtaket at føretak og personar som ikkje har sentral godkjenning har utarbeidd og teke i bruk føretakssystem i medhald av føresegn om byggjesakshandsaming av 2010 (SAK10) kapittel 10.

Mynde

Saka er handsama og avgjort administrativt i medhald av delegert mynde, jf. gjeldande delegasjonsreglement for Radøy kommune.

Gebyr

Med heimel i plan- og bygningslova § 33-1 og gebyrregulativ for Radøy kommune vedteke i kommunestyret 05.12.13 vert det følgjande gebyr i saka:

Kode 10.2.8	Delt sakshandsaming	kr	2 600,-
Kode 10.2.9	Godkjenning av ansvarsrett		<u>770,-</u>
	Totalsum	kr	3 370,-

Gebyret skal vere betalt innan 30 dagar rekna frå fakturadato og før arbeidet setjast i gang, jf. plan- og bygningslova § 21-4, sjetle ledd.

Bortfall av løyve

Om byggearbeidet ikkje er sett i gang innan 3 år etter at dette løyvet er gitt, eller vert innstilt i lengre tid enn 2 år, fell løyvet bort, jf. plan- og bygningslova § 29-1. Dette gjeld også dispensasjonsløyvet.

Avfall

Alt avfall som tiltaket førar med seg skal leverast til mottak godkjent av forureiningsstyresmakta.

Ferdigstilling

Tiltaket skal avsluttast med ferdigattest, jf. plan- og bygningslova § 21-10. Ingen delar av byggverket må takast i bruk før ferdigattest eller mellombels bruksløyve føreligg.

Sluttdokumentasjonen skal vise at tiltaket er utført i samsvar med løyve og føresegne gjeve i eller i medhald av plan- og bygningslova. Om det er justeringar i tiltaket i høve løyvet, som ikkje krev søknad om endring, skal ansvarleg søker seinast ved søknad om ferdigattest sende oppdatert situasjonsplan og teikningar til kommunen. Ved søknad om ferdigattest skal søker stadfeste at høveleg dokumentasjon for forvaltning, drift og vedlikehald er overlevert byggverket si eigar. I tiltak der det er krav om avfallsplan eller miljøsaneringsredegjering skal sluttrapport som dokumenterer faktisk disponering av avfall leggjast ved søknad om ferdigattest.

Når det gjenstår mindre vesentlege arbeid kan det utstedast mellombels bruksløyve for heile eller deler av tiltaket. I søknad om mellombels bruksløyve skal søker identifisere gjenståande arbeid, stadfeste at byggverket har tilfredsstillende tryggleiksnivå, og angi tidspunkt for ferdigstilling. Oppdatert gjennomføringsplan skal alltid leggjast ved søknad om ferdigattest/mellombels bruksløyve.

Kommunen kan gjere ferdigsynfaring/tilsyn i forkant av at ferdigattest eller mellombels bruksløyve vert utskrive.

Kopi av dette vedtaket, samt andre saksdokument, skal alltid vere tilgjengeleg på byggeplassen.

Ved all vidare kontakt i denne saka, ver venleg og referer til saksnr.: 14/2718

Klage:

Vedtaket er eit enkeltvedtak etter reglane i Lov om offentleg forvaltning. Vedtaket kan klagast på til kommunen, jf §§ 28-36. Klagefristen er 3 veker frå den dato du vart gjort kjent med vedtaket. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva du klagar på i vedtaket, og kva endringar du som part ynskjer. Klagen skal grunngjevast.

Det kan ikkje reisast søksmål om gyldigheita av vedtaket eller krav om erstatning som følgje av vedtaket utan at moglegheita til å klage over vedtaket er nytta, jf forvaltningslova § 27b

Dersom du har spørsmål i saka, så kontakt konsulent Hogne Askeland.

Med helsing

Tonje Nepstad Epland
leiar teknisk forvaltning

Hogne Askeland
konsulent

Dette dokumentet er elektronisk godkjent og har difor ingen signatur.

Mottakere:

AS Haugland VVS
Kjell Aase

Lyngveien 2 5914
Lønborglien 195 5039

ISDALSTØ
BERGEN